



Шогшо эл, торылык да гим верр!

Будь готов/

ЯМДЕ-ЛИЙ

1933 ий 1 февраль годсек лектеш.

0+



ИМНЬЫН ЁШАНЖЫМ СУЛЫМАН



Марий
календарь
почеш
тений –
Имне
идалык.

Тудо
22 мартыште
тўналеш.



Фотом еш архив гыч налме.

*Имне – чын да виян
улмын, пашам йоратыма-
шын, пенгыдылыкын, сорым
лутым кучымашын, ончыко
каеш тыршымашын символжо.*

Мый түрлө янлыкым, суртволькым пеш йоратем. Нунын кокла гыч имне утларак келша. Шукерте ожно озанлыкыште чыла неле пашам виян вольк вий дене ыштеныт. Тудо сурт негыз лийын. Кызыт имным южо ялыште веле ужаш лиеш.

Авам дене коктын Татарстан Республикасы Зеленодольск олаш имным кушкыжын кудалышташ коштына. Тушто ик мотор имне уло. Тудын лўмжō – Багема, араб урлык. Мый Багемам вўчкалтем, ниялткалем, вара кудалыштам (снимкыште). Имнын ўшанжым сулыман. Эше авам шочмо кечемлан Багема фотоан футболкым ыштыктен. Пеш йоратен чиен коштам.

Мария СТЕПАНОВА.
Волжский, Пётъял.



«Ямде лий» 2021 ий 20 март

Фотом Интернет гыч налме.



«ИнИгМам» Пермьште вучат

Юл кундем федерал округысе тунемше-влакын уш-акылым тергыше олимпиадыштын регионисо йыжынже Марий Эл Республикыште эртаралтын. «Мо? Кушто? Кунам?» уш-акыл модыш 19 командым ушен. Ёдыр-рвезе-влак 24 йодышлан вашмутым кычалыныт. Йошкар-Оласе 11-ше номеран лицейын «ИнИгМа» командыже (снимкыште) эн шуко баллым поген да сенгышыш лектын.

*«ИнИгМа»
команде 5-7
майыште Пермь
олаште эртаралт-
ше финалыште
Марий Элын чапшым
аралаш тўналеш.*

Конымшо верым Курыкмарий районысо Микрәк школ налын, кумшым – 2-шо номеран Медведево школ. Сенгыше-влаклан диплом ден кубокым кучыктеныт.

Х.АЛЕКСАНДРОВА ямдылен.

Школ илыш

Школышто түрлө конкурсым, пайремым эртарена. Пионер герой-влак нерген класс шагатыште мутланышна, муру конкурс лие. 1-ше да 2-шо класслаште тунемше ёдыр-рвезе-влак сенгышыш лектыч. Йоча-влаклан почеламутым сылнын лудмо конкурсат келша. «Памяти павших, во имя живых» тангасышке кумылын ушнышт. Кугурак класслаште тунемше-влак коклаште В.Иванова ден А.Чулкова 1-ше верым сенген налыч. К.Иванова изирак ийготан-влак коклаште ойыртемалте.

У Торъял, Кузнеч.

Полина ПЕТУХОВА.

Историйым шергалына

*Икымше
тўнямбал сар
годым руш войска
Австрийысе
Перемышль орым
икмынар тылзе
йыр авырымаште
кучен. 1915 ий 22
мартыште
сеҥен налын.*

Тале ечызе

Ме, Кугу Пумарий школын тунемшыже-влак, Иван Веселов (снимкыште) дене кугешнена. Тудо школын веле огыл, районын тале ечызыже. Иван 9-ше классыште тунемеш. Ече дене республикысе тангасымашлаште сенгыше-влак радамышке лектеш. Шукерте огыл Иваным республикын ече командышкыже ушеныт. Ынде ёрдыж кундемлаште эртаралтше тангасымашлаште вий-куатшым терга. Иванлан эшеат сай кўкшытыш шуаш тыланена.

Тимур ШУЛЕПОВ.

Параньга район.

Фотом еш архив гыч налме.



Российысе увер

«Мы за Великую Державу» всероссийский проект радамыште «Путь к звёздам» тўнямбал конкурс дистанционно эртаралтеш. Тушко мурым мураш, кушташ, семўзгар дене шокташ, почеламутым лудаш кумылан-влак ушнен кертыт. Йодмашым 10 апрель марте колтыман. Тўрыс уверым www.souuz-kultura.com сайтыште лудса.

7-18 ияш ёдыр-рвезе-влак «История ГАИ – история страны» всероссийский фотоконкурсыш ушнен кертыт. Пашам 30 апрель марте konkurs-stopgazeta@mail.ru адрес дене электрон почтыш колтыман.

Йошкар-Оласе 28-ше номеран лицейын командыже Сочи олаште эртаралтше «Белая ладья» всероссийский тангасымаште Марий Элын чапшым аралаш тўналеш. Ёдыр-рвезе-влак республикысе школ команде-влак коклаште шахмат дене модмаште сенгышыш лектыныт.

Марий Элысе увер

1-11-ше класслаште тунемше да студент-влак, «Литератур смене» республикысе конкурсыш ушныза. Кечмогай жанр дене возымо паша-влакым да йодмашым 15 апрель марте kechel@mail.ru адрес дене электрон почтыш колтыза. Иктешлымаш 20 апрельыште лиеш.

7-18 ияш ёдыр-рвезе-влакым «Огонь – не забава!» йоча усталык конкурсышко ушнаш ўжыт. Икымше йыжын тунемме тўнежлаште 15 апрель марте эртаралтеш. Йоча-влак тул лўдыкшыдымылык дене кылдалтше сўретым сўретлат, плакатым, аппликацийым ямдылат.

19-27 мартыште Марий Элыште «Театральный Йошкар-Ола – 2021» фестиваль эртаралтеш. Тушко республикысе куд театр ушна да латик спектакльым ончыкта.

Куштымаш кумылжым нӧлта

25 март –
Российысе тӱвѳра
пашаенгын
кечыже.

Сенгымаш



Йошкар-Оласе 14-ше номеран гимназий пеленысе «Изи пашам» йоча ансамблын ӱдыр-рвезыже-влак сценышке лектытат, куштымаштым лым лийде ончет. Нунын коклаште 6-шо классын тунемшыже Настя Ивановам (снимкыште) ужаш лиш.

– Ансамблыш 1-ше класс гыч коштам. Ме марий муро, марий йӱла дене палыме лийына. Мыланем марий калык куштымаш утларак келша. Семже кумылым нӧлта. Мастарлыкнам ончыкташ тӱрлӧ кундемшыже лектына. Медведево районысо шоӱгыен-влакын пӧртышкышт мийыме поснак шарналт кодын. Коча-кова-влакын куаныштым ужаш мыланна кугу пиал лийын, – оила Настя.

Ӱдыр тыгак современный куштымаш дене кылым куча. Национальный президент сымкытыш школышто мастарлыкшым виянда. Настя ончыкыжым калык куштымаш дене хореограф лийнеже.

«Изи пашам» йоча ансамбль 1984 ий гыч пашам ышта. Тудым А.В.Сидукова вуйлата.

Х.АЛЕКСАНДРОВА.

Фотом еш архив гыч налме.

Медведево тӱвѳра рӱдерын «Маска» калык самырык театрже Юл кундем федерал округысо «Театральное Приволжье» йоча да самырык коллектив-влак фестивалын регионысо йыжынгыштыже «У войны не женское лицо» спектакль дене мастарлыкшым терген. Кум тангасыште 1-ше вер дене палемдалтын. «Маска» калык самырык театр фестивалын финалыштыже тангасаш тӱналеш. Сенгыше-влакым 27 мартыште палемдат. театральноеприволжье.рф сайтыште 13 шагатлан ончаш лиш.



Синквейн

Школ
Волгыдо, йонгыдо.
Туныкта, шуара, уша.
Шинчымашым шуко налына.
Пӧрт.
Р.АНТРОПОВА.
Советский, Орша.

Ик кечын

Мый Ӱярня пайрем нерген проектым возенам. Пырля тунемме йолташем-влакым пашам дене марий литератур урокышто палдаренам. Ожно Ӱярня годым изижат-кугужат курыкыш мунчалташ коштыныт.

Пайрем арнян ик кечынже уло класс дене ял воктенысе курыкыш мийышна. Ме издер дене мунчалтышна, мелнам кочна. Энерыш волен, вакым ончышна. Ял калык тушеч вӱдым вольыкклан нумалеш. Тиде кечым пеш веселан эртарышна!

Дарина ШАМЕЕВА.
Татарстан,
Агрыз,
Пелемеш.



Йоча газетым ямдылышна

«Йораталме «Ямде лий» йолташна» темылан марий йылме урокым пӧлеклышна. Ме, тунемше-влак, журналист лийна, а туныктышо – тӱн редактор. Редакцийыште кум пӧлка пашам ыштыш. Серыш пӧлка возымо паша-влакым шергал лекте. Увер пӧлка тунемме паша дене кылдалтше уверла дене палдарыш. Тӱрлӧ йодышым рашемдыше пӧлка «Илышыште олмештыш мут кӱлеш мо?» йодышлан вашмутым кычале. Умбакыже шымлыме пашашке ушнышна: писатель, педагог, учӧный В.Ф.Сапаев нерген мутланышна. «Ончыко» журналын тӱн редакторжо И.Г.Попов нерген пален нална. Урок мучашлан йоча газетын черетан номержын эскизше ямде лие.

Максим АКТУГАНОВ.

У Торъял, Немда.

Ава гай

Мыйын йоратыме туныктышем – класс вуйлатыше Т.Г.Гаврилова. Татьяна Геннадьевна руш йылме да литератур урок-влакым вӱда. Йоча-влаклан келге шинчымашым пуймо верч чот тырша. Тӱрлӧ пайремым эртарам, мемнам сай пашалан кумыланда. Т.Г.Гаврилова мыланем кокымшо ава гай.

Дарья КОРЯКОВА.
Морко, Шӱргыял.



Фотом школын архивыше гыч налме.



21 март –
Чодыран тўнямбал
кечыже.

Йомакысе шўлыш

Пурем чодырашке,
Пеш сылне верлашке.
Йомакысе илыш,
Йомакысе шўлыш.
Могай сылне верже!
Могай ямле верже!
Ош лывыла койын,
Лум вальсым кушта.
Толеш вашке шошо,
Мушкеш телым ошым.
Пүртүс помыжалтын,
Уэш тўзлана.

Э.ВАСИЛЬЕВА.

Звенигово, Нуктыж.

ончылно. Кызыт шошо ден теле пагыт кажне шагат, минут еда кучедалыт. Кожё вианрак? Меже палена: шошо садиктак сенга. Пүртүсым түрлө койышан улмыжланак йоратена.

Таня ТИМОФЕЕВА.

Тушто

Морко, Коркатово.

Ялышке шыпа-ак толам,
Тышке-тушко ончалам.
Ужам: чыве шогылтеш.
Шонем: «Мыйынак лиеш».
Бобик кенета лектеш,
«Мом ванет?» шыпак йодеш.
– Чодырашкем шикшалтам.
Пыкше-пыкше утленам,
Ынде ом кай ялышкет,
Пеш кўлыт чыве ден комбет.

В.СМИРНОВ.



Варвара СМЕРНОВАН сўретше.
Национальный президент
школ-интернат.

Чодыран поянлыкшым шымлен

Советский район Ронго школышто «Дети в науке» акций эртаралтын. Ёдыр-рвезе-влак марий пүртүсын поянлыкшым, марий ойөрөм, марий йомакым шымленыт, проектым возеныт да араленыт. 11-ше классын тунемшыже Даша ЯМБУЛАТОВА (снимкыште) «Марий чодырасе пушенге-влак» шымлымаш пашам эртарен. Тыгай темым ойыраш «Лосёнок» школ лесничествыш кудымшо ий коштымжо таратен.

– Марий Эл Республикын пеле утла кумдыкшым чодыра авалтен. Килемар, Звенигово районла чодыралан поян ултыт. Шымлымаш пашам эртарыме годым ятыр уверым книгагудышто кычалынам, Интернетысе сайт-влакым шергалынам. Мыланем туныктышем Ольга Георгиевна Егорова полшен. Тыгай иктешлымашке шуынам: Марий Элысе чодыраште утларакше куэ, пўнчө, кож вашлиялтыт. Шөрва, шем тополь шагал куикыт. Ме чодырам аралышаш да пушенгым шындышаш улына, – ойла ёдыр. Дашалан шанче паша – шкешотан тўня. Чолга ёдырын ушыштыжо ятыр проект пёрдеш. Тугеже сенымашым тыланена!



Х.АЛЕКСАНДРОВА.

Фотом школын архивше гыч налме.

Түрлө койышан

Уремыште – шошо. Пеш вашке йырым-йыр пүртүс помыжалтеш. Пушенге-влак вес тўсым налыт. Кайык муро утларак йонгалтеш. Урем мучко энгер гай вўд йогаш тўналеш. Но тиде чылажат

ончылно. Кызыт шошо ден теле пагыт кажне шагат, минут еда кучедалыт. Кожё вианрак? Меже палена: шошо садиктак сенга. Пүртүсым түрлө койышан улмыжланак йоратена.

Таня ТИМОФЕЕВА.

Палаш онгай

Ур –
изи дакуш-
тылго

янык. Тўдо
30 метр кўкшыт гыч кам-
возеш гынат, нимат ок лий.

Тўдо пўкшым, пўгыльмым
веле огыл, тыгак насекомы-
йым, кишкым, колям кочкеш.

Ур шенгелныже мо
ышталт.мымат ужеш.



Канде кож – тоштерыште

Коркатово лицейыште тунемше Катя Егорова М.Казаков лўмеш тоштерлан канде кожын росотажым пўлеклен. Тудым тоштер кудывечеш шындаш кутырен келшенна. Чодыра илышым сайын палыше И.Сошин тиде пашашке ушнен. Пушенгым чын шындыме нерген умылтарен. Тыршымына арам лийын огыл: 4 кож гыч кумытшо иланен.

Г.К.СОШИНА, тоштер вуйлатыше.

Морко, Кўчыкэнгер.

Конкурс

«Кугу Какшан» кугыжаныш заповедник йочасадыш коштшо икшыве-влаклан «Медвежонок – символ заповедника» республикысе акцияым увертарен.

Паша-влакым
5-9 апрелыште
кондыман.

Шошым вучем

Тений лум шуко. Игече шошо вельш каенат, лум эркин шулаш тўналын. Ночко лум гыч ме лум мочорым да лум орым ыштена. Лум моклакам кышкылт модына. Семёновка селаште моткоч чапле каток уло. Тушто коньки дене мунчалтена. Урем гыч модын пуримеке, вургемем пунчалаш лиеш – тунар нөрэн пытем. Теле пагыт пеш келша, но шошым утларак вучем.

Мария КАПУСТИНА.

Йошкар-Ола, 21-ше №-ан школ.



«Марий сем» – Элнетыште

Татарстан Республикасы Менделеевск район Элнет школ марий поэт-баснописец Г.Микайын лумжым нумалеш. Школышто марий шұлышым аралыме да йоча-влакым марий тўвыра дек лишемдыме шонымаш дене марий йылмым да литературым туныктышо Т.Н.Абрамова 2013 ийыште «Марий сем»

йоча ансамбльым почын. Куштышо коллективым кызыт марий йылмым да литературым туныктышо Е.Б.Семякова вуйлата. Марий сем йонгалтеш веле, сценьшке ўдыр-рвезе-влак (снимкыште) йўксыла койын ийын лектыт. Нуно 1-9-ше класслаште тунемыт.

– Марла куштымаш, муро гоч ме кугезе коча-кована-влакын илышышт, шонымашышт, марий йўла дене палыме лийына, – ойлат изи артист-влак.

Самырык

артист-влак тўрлў конкурсышто сенгышыш лектыныт: «Веснушки-2017» районысо фестиваль-конкурс (1-ше вер), «Самырык тукум» регион-влак кокласе йоча усталык фестиваль (1-ше вер), «Ме пырля» республикысе фестиваль (2-шо вер).

Х.АЛЕКСАНДРОВА.



Фотом школын архивше гыч налме

Йоч тўрзатым,
мўндыр тос!



Кугу ешна

Мемнан ешна кугу: авам, ачам да куд икшыве. Мый визымше йоча улам, икымше классыште тунемам. Шукерте огыл шўжарна шочын. Изам кокымшо классыште тунемеш, ачам – нылымшыште. Кугурак-влак пашам ыштат. Авамын пашаже шуко, садлан сурт сомылкам ышташ эре полшем. Пылесос дене пўрткўргым эрыктем, пеледышыш вўдым шавем. Ачам дене пырля куды-вечыште пум оптена, вольыкклан шудым пуэна. Кевытышке каен, кўлеш кочкышым але арверым налын толына. Школыштат сайын тунемаш тыршем.

Зарина КАПАРОВА.

Татарстан, Агрыз, Пелемеш.

Кўйлў – амал.

М

Келшымаш кыл

Шочмо йылмем – марий йылме. Ковам, кочам, авам – чылан марий улыт. Свердловск кундемшыште марий, руш, татар да моло калык-влак ваш келшен илат. Татар йолташ дене татарла кутырат, пырля мурым мурат. Руш-влак деке унала коштыт. Марий йўламат шуктен шогат. Ожно Семьк, Ёярня, Кон кече пайрем-влакым пырля эртареныт, ятыр калыкым иквереш погеныт. Арамлан огыл калык оила: «Келшымаште – вий».

Яна ЕНИКЕЕВА.

Свердловск кундем,
Нижнесергинск, Ялгиян.

Мутерым филологий шанче кандидат А.А.ИЛИЕВА ямдылаш полшен.

М

Терке – мўнгышкў.

Кугешнем

Мый ачам Дмитрий Михайлович дене кугешнем. Тудо «Пётр Великий» кугу кораблыште службым эртен. Вара контракт почеш Чечняште служитлен. Кызыт ачам нефтяник-влак пелен пашам ышта.

Елена ИШМАНОВА.
Татарстан, Агрыз, Кадрек.



Памаш ялын шўдыржў

Полина Сайсанова (снимкыште) Пошкырт кундем Бирск район Памаш селасе школын 10-шо классыштыже тунемеш. Икымше гана кугу сценьш шым ияш улмыж годым «Йўржў йўреш» муро дене лектын. Мурсем деке ўдырым аваже шўманден. Полина ден йолташ ўдыржў Даша Янышева икмынар ий дуэт дене муреныт. Кызыт Полина – «Кўдыронгыр» мурышо ансамбльын

со-листше. Гитар дене шокта. Шукерте огыл «Кече онча» икымше мурым возен.

Е.ИВАНОВА.

Фотом еш архив гыч налме.





Калык модышышто – историй да йўла

12 мартыште Советский район Ёшнўр школышто «Ўярня» йоча пайрем шымше гана эртаралтын. Тушко республикысе кандаш школ гыч тунемше-влак ушненыт. Ўдыр-рвезе-влак ныл тагасыште: «Ўярня такмак-влак», «Марий калык модыш», «Ўярня кува», «Марий йўла» квест-модыш – чолгалыкыштым ончыктеныт.

Калык модышлан кугу тўткышым ойыреныт. Тукум гыч тукумыш куснен толшо модыш дене йоча-влак кызытат куанен модыт. Калык модышышто – марий калыкын историйже да йўлаже. Нуно тўрлў улыт, кажныжын – шке ойыртемже.

Кужэнер район Конганур школын тунемшыже-влак «Маска – чодыра оза» модыш дене модыктеныт (снимкыште). Йоча-влак онгышко шогалыт. Вўдышў шотлымо мут почеш маскам ойыра. Маска онго покшелан шинчеш. Модшо-влак тудын деке саскам поген мият да тыге ойлат: «Маска – чодыра оза. Маска – чодыра ача. Тыйын модетым погена, тыйын пўчыжетым ойырена. Сай саскажым налына, начар-ракшым кодена». Ойлен пытарымеке, Маска пуйто вынем гыч лектеш да саскам погаш толшо-влак кокла гыч иктаж-кўм руалтен кучаш тырша. Кўм куча, тудо маска лиш. Кучен ок керт гын, модшо-влакын йодмыштым шукта.



«Марий калык модыш»
номинацийыште сенгышыш лектыныт:
У Торъял район Кузнеч школ – 1-ше вер.
Параньга район Кугу Пумарий школ – 2-шо вер.
Кужэнер район Конганур школ – 3-шо вер.

Морко район Коркатово лицейын тунемшыже-влак «Вачым перен» модыш дене палдареныт. Ўдыр-рвезе-влак онгышто шогат. Вўдышў, почеламутым ойлен, онго йыр коштеш:

*«Икыт, кокыт, кумыт, нылыт,
Ынде шотлен ом мошто.
Шотледа гын, шотлыза,
Кучеда гын, кучыза».*

Иктаж йоча деке миен, вачыж гыч пера. Коктын кок могырыш куржыт. Кў йочан верышкыже ондакрак толеш, тудо сена. Вер деч посна кодшо вўдышў лиш.

У Торъял район Кузнеч школын ўдыр-рвезыже-влак «Вўд йогын» модыш дене модыктеныт. Кок ен, кидым кўшкў нўлталын кучен, капкам ышта. Мольшт мужыр дене шогалыт. Кидым ваш кучен, капка йымач, «Вўдшў йога, йога, йога. Серже кўлан кодеш гын?» манын, поче-поче лектыт. Ойлен пытарымеке, «Мылам» манын шуктышо мужыр капка орол лиш.

Морко район Унчо школын тунемшыже-влак шўшкан ече дене тагасымашым эртареныт (снимкыште). Ечын онгыжым шўштў гыч ыштyme. Ик ечыште – ныл онго. Мужыр ече ўмбаке иканаште ныл ег шогалеш. Модшо-влак кок командылан шелалтыт да ончыко чымат. Эн ончыч савырнен толшо сенгышыш лектеш.

– *Писын мунчалташ манын, йолым иксемын налман. Модшо-влаклан эн ончыч кудо йол дене тошкалме шотышто кутырен келшыман,* – умылтарыш марий йылмым да литературым туныктышо Р.Н.Петрова.


Чумыр тагасымашым иктешлымеке, сенгышыш лектыныт: **Советский район Ёшнўр школ** – 1-ше вер.
Волжский район Пўтьял школ – 2-шо вер.
Морко район Унчо школ – 3-шо вер.

Е.ИВАНОВА.

Авторын фотожо-влак.



Ўярня деч вара латкок (мо?) лиш.
Ўярня деч вара пий кўжыт (мо?) толеш.



Пөлек – пу совла

Йошкар-Оласе 10-шо номеран школышто 6-шо «А» да 5-ше «Г» (снимкыште) класслаште тунемше рвезе-влак аваштлан 8 Март пайремлан пөлекым шке кид дене ямдыленыт. Технологий урокышто пу совлам ыштеныт. Пу совла – моткоч йонан ўзгар. Тудым ышташ пистым кучылтман. Рвезе-влак уло кумылын тыршныт. Тыршымышт арам лийын огыл: ава-влак пеш йывыртенит. Тутло мелнам күэштыныт. Технологий урокышто ончыкыжымат түрлө кидпаша дене палыме лийына.

С.И.КОРОБЕЙНИКОВ, технологий туныктышо.
Авторын фотожо.

Леведыш тйрыштө ийсїс кужун шуйналтын кеча – шошо ййштө лиш да кужун шуйна.

Шырчык тер кудалтыме кече деч ончыч толеш – лум эр кая.

Калык пале.



- Лена, тудлан
- Йөра, Света!

Ошма курыкышто кок ўдыр модеш. Нунын деке рвезе лишемеш да йодеш:

- Тендан лүмда кузе?
- ит ойло!



- Рисований урок кая.
- Мику, тый ком сүретлет? – туныктышо öрын йодеш.
 - Инопланетяниным!
 - Но тудын могай улмыжым иктат ок пале!
 - Ынде пален налыда!

Кажне пиалын шже жапше уло.
М.РЫБАКОВ.

Пиалан улам

Мо тугай пиал? Мыланем пиал – тиде ава. Тудо тўняште эн ныжылге, поро айдеме. Ава илышым пөлекла да ўмыржө мучко икшывыж верч тургыжлана. Ньюга годым арала, кугурак лиймеке, ойканашым пуа. Мыйын авам лач тыгаяк койыш-шоктышан. Кеч-кушто лиям гынат, авамын шүм шокшыжым шижам.

Настя ИВАНОВА.



Морко, Коркатово.

20 март – Пиалын тўнямбал кечыже.



Индекс: П4696.
Тираж 1150 экз. Заказ
Формат – А-48.
Тўн редактор
Л.Н.ГРИГОРЬЕВА.

https://vk.com/yamde_lji
<https://ok.ru/yamdelji>
E-mail: yamde_lji@mari-el.ru
(документ кагазлан),
yamde_lji@mail.ru
(автор-влаклан)
Сайтын адресше:
yamdelij.rp

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательством шуктен шогным эскерыше Федеральный службын Приволжский федеральный округысyo управленийыштеже регистрироватлыме.
Номер – ПИ №ФС 18-1999,
2005 ий 10 февральыште пуымо.



Печатьыш пуымо жап – 14-00,
фактически – 13-00

Авторын да редакцийн шонымашышт түрлө лийын керттыт. Серыш-влак мөнгеш огыт колталт.
Ак – кутырен келшыме почеш.

Редакцийн да издателыне адресше:
424006, Йошкар-Ола, СССР Вооруженный Вийын 70-ше идалыкше урем, 20-шо порт.
Тел. 8(8362) 45-22-82(факс)

У конкурс

Кидмастар
Улам



Фотом
20 май
марте
колтыман.

Снимкыште:
Иделия ИШМУРЗИНА
(Татарстан, Агрыз, Буймо).


Ўдыр-рвезе-влак, йоча садыште, школышто да мӱнгыштат, тӱрлӱ материалым кучылтын, аппликацийым, открыткым да молымат ыштеда. Име, крючок дене модышым пидыда. Ынде мастарлыкдам газетысе конкурсышто терген кертывда. Кидпаша дене онайын войзалтын, фотографий-влакым https://vk.com/yamde_lii тӱшкашке сообщений дене колтыза. Паша-шамычым тиде группышко верандена. Эн шуко лайкым погышо фото сенышыш лектеш. ♥ шындыше «Ямде лий» – марла йоча газет» тӱшкан подписчикше лийшаш.

Ешартыш лайкым кузе поташ?

400 лайк: «Ямде лий» газетлан почто гоч подпискым ышташ да квитанцийжым редакцийышке колташ.
200 лайк: электрон подпискым ышташ. 89027382237 номер дене Сбербанкыш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакций гоч подпискым ыштышат тынар лайкым налеш.

Сенгы-
шым чапле
пӱлек вуча.

Мерагигылан кешыр дек
корным ончыктыза.



Сӱретым
чыла
пыта-
рыза.

Попкорн атын ймылкажым муза.



Шошо толыв
унала!

Кроссворд

Математике
кроссворд

4	x	4	=	
:		:		:
2	x		=	8
=		=		=
	x	1	=	2



Сӱретыште
могай
суртвольыкым
ужыда?

			Ш					
			о					
			ш					
			о					
			т					
			о					
			л					
			ы					
			н					
			у					
			н					
			а					
			л					
			а					



Рушла гыч марлашке кусарыза.

1. Грач.
2. Ворона.
3. Дятел.
4. Сорока.
5. Жаворонок.
6. Рябчик.
7. Дикая утка.
8. Скворец.
9. Журавль.
10. Сова.
11. Петух.
12. Синица.
13. Цапля.
14. Воробей.

Артём МОЧАЛОВ.

Советский, Ӗрша.

Интернетысе сӱрет-влакым кучылтмо.

